## 蘋果最終章 | ChickeeDuck周小龍:蘋果方消失 大家會知要繼續做啲乜

45分鐘前



周小龍相信就算《蘋果》停刊,《蘋果》精神也不會消失,「香港人會知道要做啲乜。」

AAA

「如果係最後一份報紙,可唔可以畀個位我落一個廣告,一個LOGO同一個Salute手勢就夠。」忽爾迎來《蘋果》的最後一天,這是ChickeeDuck創辦人周小龍最想做的一件事。於他而言,《蘋果》創新、敢言,日後香港少了《蘋果》,等於知情權被剝奪,是「香港人最大嘅損失」。周勉勵《蘋果》同事「唔好放棄」,因香港人自有方法,延《蘋果》之志。

壹傳媒創辦人黎智英萬箭穿心,仍斯斯然拿着蘋果大咬一口的第一支《蘋果日報》廣告, 奠下了周小龍對《蘋果》的印象,「覺得一個人係好有創意,出嚟做一份報紙,將會係有 保留咁樣捍衛真相。」自言與《蘋果》沒有太大淵源的周,因是廣告出身,創刊26年,最 深刻的還是那一個廣告。 「我想知道嗰件事嘅時候,我淨係睇蘋果,因為嗰個報道最真實。」《蘋果》成為了周小龍求真的途徑,看到《蘋果》一周之內被國安人員上門搜查,到被保安局凍結資產,直至宣布停運告終,周認為政府為打壓異見,放棄公義實在荒謬,「好憤怒,連一份為香港人做咁多嘢嘅媒體都唔可以包容。」

沒法被政府包容的,不止是《蘋果》,還有周名下的ChickeeDuck,上月初才有半百警聯同國安到店調查,但周卻沒因此把店外塗鴉洗走,店內民主女神依然聳立着,「我覺得我有可能影響到一萬人、一千人,如果我縮,影響到一千人、一萬人,我都承受唔起個罪過。」縱然被政權盯上,家人擔心無比,周並沒因而退下;遺憾地,《蘋果》已無法伴香了人繼續走下去。

## . MeWe

梦 镇果方消失,佢哋報紙畀人夾硬摧毀咗、公司畀人夾硬封鎖咗、幾百個員工畀人夾硬奪 它 佐工作權,可能香港人會好傷心,但大家會知道要繼續做啲乜嘢。」突然迎來《蘋果》 的最終章,周沒有選擇傷春愁秋,他選擇了相信。如此樂觀,只因「遲覺醒嘅人有責任去 做一啲傻傻哋嘅嘢,希望下一代記得我哋永遠都係樂觀面對打壓、暴政,點樣受苦都好, 盡量每天帶一個笑容畀後生。



周小龍憤慨,《蘋果》被迫停運是香港市民「最大嘅損失」。

\_\_\_\_\_